

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՅՈՒՄՐԻ ՀԱՄԱՅՆՔԻ ԱՎԱԳԱՆԻ**

Ո Ր Ո Շ ՈՒ Մ

<< 12 >> մարտի 2013թվականի N 31-Ա

**ԳՅՈՒՄՐԻ ՔԱՂԱՔՈՒՄ ԱՂԲԱՀԱՆՈՒԹՅԱՆ, ՍԱՆԻՏԱՐԱԿԱՆ ՄԱՔՐՄԱՆ,
ԲԱՐԵԿԱՐԳՄԱՆ ԵՎ ԿԱՆԱԶԱՊԱՏՄԱՆ ԱՇԽԱՏԱՆՔՆԵՐԻ ԱՐԴՅՈՒՆԱՎԵՏ
ԿԱԶՄԱԿԵՐՊՄԱՆ ՆՊԱՏԱԿՈՎ ՀԱՄԱՔԱՂԱՔԱՅԻՆ ՇԱԲԱԹՕՐՅԱԿՆԵՐ
ԱՆՑԿԱՑՆԵԼՈՒ ՄԱՍԻՆ**

Ելնելով <<Գյումրին 2013թվականի ԱՊՀ մշակութային մայրաքաղաք>> ծրագրի շրջանակներում նախատեսված միջոցառումները անցկացնելու ժամանակ բազմաթիվ հյուրերին Գյումրի քաղաքը ոչ միայն որպես մշակութային ավանդույթներ կրող այլ նաև մաքուր, բարեկարգ քաղաք ներկայացնելու անհրաժեշտությունից և ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 16-րդ հոդվածի 5-րդ, 19.1-րդ կետերով, <<Աղբահանության և սանիտարական մաքրման մասին>> Հայաստանի Հանրապետության օրենքի 4-րդ, 7-րդ, 9-րդ, 10-րդ, 11-րդ, 12-րդ, 13-րդ, 20-րդ և 21-րդ հոդվածների դրույթներով, <<Թափոնների մասին>> Հայաստանի Հանրապետության օրենքի 11-րդ, 20-րդ, 25-րդ հոդվածների դրույթներով՝ **համայնքի ավագանին որոշում է.**

1. Հանձնարարել՝ քաղաքապետարանի աշխատակազմի բնակկոմունալ և շրջակա միջավայրի պահանջության բաժնի պետ Կ.Մանասյանին՝

1) համաքաղաքային շաբաթօրյակները պատշաճ կերպով անցկացնելու նպատակով՝ մինչև սույն թվականի մարտի 25-ը կազմել և համայնքի ղեկավարի հաստատմանը ներկայացնել քաղաքի աղբահանության, սանիտարական մաքրման, բարեկարգման և կանաչապատման աշխատանքների կազմակերպման և անցկացման ծրագիր-ժամանակացույց,

2) համապատասխան տարածքներում գտնվող իրավաբանական անձանց, անհատ ձեռնարկատերերի, բնակիչների շրջանում կազմակերպել և իրականացնել ակտիվ բացատրական աշխատանք՝ իրենց ենթակայության տակ գործող օբյեկտներին հարող տարածքների, փողոցների, բակերի աղբահանության, սանիտարական մաքրման, բարեկարգման և կանաչապատման նպատակով համաքաղաքային շաբաթօրյակների կազմակերպման անհրաժեշտության վերաբերյալ.

Այդ նպատակով՝

ա. նրանց տրամադրել պահանջվող գործիքներ (բահեր, ավելներ, տրանսպորտային միջոցներ՝ հավաքված և կուտակված աղբը տեղափոխելու համար),

բ. սահմանել <<լավագույն փողոց>>, <<լավագույն բակ>>, <<լավագույն դպրոց>>, <<լավագույն թաղամաս>>, <<լավագույն հիմնարկ>> և այլ մրցանակներ,

գ. միաժամանակ բոլոր սուբյեկտներին պարզաբանել և տեղեկացնել այն մասին, որ իրենք պարտավոր են պատշաճ կերպով ապահովել իրենց պատկանող և հարակից տարածքների սանիտարական մաքրությունը, բարեկարգումը և գիշերային լուսավորությունը:

2. Ֆինանսատնտեսագիտական բաժնի պետ Լ.Զիլավյանին՝

Համայնքի բյուջեից հատկացնել անհրաժեշտ ֆինանսական միջոցներ վերագրյալ աշխատանքների կազմակերպման կապակցությամբ պահանջվող ծախսերի ապահովման համար:

3. Աշխատակազմի քարտուղար Ռ.Ասատրյանին՝

Քաղաքի աղբահանության, սանիտարական մաքրման, բարեկարգման և կանաչապատման աշխատանքների կազմակերպման և անցկացման ծրագիր- ժամանակացույցը ներկայացնել ավագանու անդամներին՝ միջոցառումներին ակտիվ մասնակցություն և գործնական աջակցություն ցուցաբերելու նպատակով:

Կողմ (20)

Դեմ (0)

Ձեռնպահ (0)

Ա.Ադամյան _____

Գ.Ադամյան _____

Ա.Բաղդամյան _____

Լ.Բարսեղյան _____

Մ.Գաբոյան _____

Ա.Գրիգորյան _____

Վ.Եղիգարյան _____

Գ.Թաթարյան _____

Հ.Խաչատրյան _____

Հ.Կարապետյան _____

Տ.Հովհաննիսյան _____

Վ.Հունանյան _____

Ն.Մեսրոպյան _____

Ռ.Մխիթարյան _____

Է.Մկրտչյան _____

Վ.Շիրինյան _____

Ե.Պողոսյան _____

Մ.Սահակյան _____

Ա.Վարդանյան _____

Տ.Փանոսյան _____

ՀԱՄԱՅՆՔԻ ՂԵԿԱՎԱՐ

Ս.ԲԱԼԱՍԱՆՅԱՆ